

O 'icep ato 'alofo

I 'orip no misa Pangcahay, o satadamanay ko 'icep hananay, orasaka, i masamaanay a tadamaanay no kailisinaan, mararid a ma'araw ko 'icep malo sapato'aya, anca malo sapisalisin no misalisinay ato pato'ayaay a lalosidan.

Ira ko cecay a radiw, o 'icep ato 'alofo hananay a radiw, “ ano ci'alofo ko mato'asay, o maan ko 'alofoay! o 'icep ato fila', o sapimaan ko 'icep ato fila' ? O sapisorac to wadis no mato'asay, sanay a radiw”.

Ona 'alofo hananay, o pitelian to 'icep. I piilisinin i, maemin a micaedong ko fa'inayan ato fafahiyan. O wina i, Caay kanca mipatado a misanga' to saki no wawa, anca misanga' ko fafahiyan malo no kaolahan ningra a fa'inayan. Ona 'alofo, i kasaniyaro' masasiromaay a nengnengngen, o samarariday, o masasikakay, anca o malalimaay. O sowal no mato'asay, masasiromaay ko pi'afala, i kawatanen ko picaedong, ano i kawili i, moraraway ko picaedong, o a iraaw ko pades no loma' saan.

Iti:ya ho ko 'Amis, ano matayal anca talacowacowa i, mikoyod aca to 'alofo, o malo patelian to 'icep, tamako, teking ato mamangay a lalosidan, anini sato i, o malo cacaedongen i kailisinaan ko 'alofo, ta mala kacipinangan to no kapolongan koni 'alofo.

I kailisinaan, manga'ay ko fafahiyan a mipateli to 'icep i 'alofo no

kaolahan ningra a fa'inayan, takaw:han ningra a mipateli i 'alofo noya fa'inayan, ano maolah koya fa'inayan toya fafahiyan i, kemkem han to ningra koya 'icep, ta pacaedong han nira koya fafahiyan to 'alofo ningra, mipatalahekal to kasasiolah nangra.

Pasowal ko singsi : 'aloman a tamdaw ko mi'icepay matini, nawhani, caay kanga'ay ko tatirengan, nikawrira, pakayni i misano 'Amisay, o 'icep i serangawan no mata, ano i kacaciyawan no kawasan a likisi, pialisinan ato i 'orip no 'Amis, iraay ko pikafit ato kakalimelaan kona 'icep, caay kanga'ay a awa kona 'icep i serangawan no 'Amis.

檳榔與揸袋

檳榔在阿美族文化中具神聖象徵，常見於儀式、巫術與祭典中。

耆老傳唱的歌謠提及老人袋中裝著檳榔與荖葉，用潔白牙齒的祕密。

檳榔袋（alofo）男女皆可配戴，由母親或情人製作，情人帶樣貌方形

或五角型，右肩斜背為正確方式。alofo 原為工作袋，後成為祭典配

件與族群認同象徵。豐年祭時，女孩以檳榔示愛，男孩接受並回贈袋

子，表示交往。

檳榔對阿美族而言，是生活中不可或缺的文化植物。